

տիրեալ է 'ի միջի նոցա . լուեալ զայսոսիկ Պօղոսի՝ բարիա մաղթէր այնպիսեաց զի ոչ գիտէին զոր խօսէին, և քաջալերական բանիւք յորդորէր զԶաքարիա վարդապետ լինիլ անյողդողդե ևւ չվշտանալ 'ի բանից և 'ի գործոց ամանց, այլ ստանալ զսիրտ արիւթեան, ևւ մի լքանիլ՝ զի գիտեմք ասէ՝ թէ ո՞ւմ ծառայեմք ևւ վասն ո՞յր ճգնիմք . զի եթէ յուսաբեկ լինել հարկ էր, կարգն իմ է ասէ . այսպէս երբեմն նա քաջալերէր զսա տոկալ ամենայն վշտաց, ևւ երբեմն սա զնա, զի տանջանք ևւ նեղութիւնք որ վասն Ս. Տեղեաց ևւ Ս. Աթոռոյն էր՝ վառս համարէին ինքեանց : Ասլա բազմիցս յորդորէր զնա զսահմանեալ տուրս մարդաթուի վասն հասուցման երկրորդ բաժնի պարտուց, զոր կիսով չափ վճարեալ էր . զի մի 'ի ժամանակին պաշարեացի 'ի նեղութեանց ևւ 'ի զզուանաց պարտատեարց . զի չունէր ակնկալութիւն յուստեքէ՝ ևւ գոյք եկեղեցւոյ ևւ վանաց սպառեալ էին, ուստի հարկ էր ծանուցանել զլիսաւորաց ազգին :

Ի զիմել ուխտաւորաց յերուսաղէմ 'ի ճանապարհի տեղիս տեղիս բռնաւորք ոմանք պահանջէին ևւ գրեթէ բռնի կորզէին 'ի նոցանէ զՂաֆար անուանեալ տուրս, յորոց հասանէր ուխտաւորաց բազմադիմի վիշտ ևւ զրկանք . թէպէտ բազում անգամ հանեալ էին հրովարտակ 'ի բառնալ զայսպիսի բռնապահանջ հարկս, այլ նոքա 'ի բազում տեղիս ոչ անսային հրամանին, որոյ վասն Պօղոս ևւ Զաքարիա բազում աշխատութեամբ հանին հրովարտակ արքունուստ ևւ առաքեալ յամենայն քաղաքս ևւ 'ի պատշաճաւոր տեղիս՝ ետուն զայն արձանադրել առեալ Իլամ 'ի Դատաւորաց, որով իսպառ բորձաւ Ղաֆար կոչեցեալ տուրքն 'ի ղիւրութիւն ուխտաւորաց : Բարձին նաեւ զ5000 դահեկան տուրքն զոր պահանջէին Դատաւորք Երուսաղէմի՝ 'ի լրման ժամանակի իւրեանց՝ իբր ծախս ճանապարհի իջանել 'ի Յուսպէ : Սովորութիւն էր Կուսակալին Դամասկոսի 'ի գալտեան նորին յերուսաղէմ, ևւ զլիսաւոր այլազգեաց Երուսաղէմի առնուլ իւրաքանչիւր ամի 'ի վանօրից ըզծանրադին ծրարս աղանելեաց, որպիսիք էին՝ մուշտակ, հանդերձեղէն, կոշիկ, մինչեւ աւել ևւ դրդալ ևւ զայլ կարասիս . ևւ զայսոսիկ վանականք տային բերել ամ յամէ